



www.BibleForChildren.org


Juan 14



Na kahin Disas kandan to, “Yo kow'd kaaggow. Salig kow riyot Monama woy salig kow mandad koddi. Duwon mo-uraan od ko-ubpan diyot baoy to Amoy ku. Dii ku nanoy ini id ponudtuu koniyu otik dii pa ini bonnaa.”




“Od unna a riyon amoy'd panoy tod po-ubpan koniyu.
Otik nopanoy kud kos langun, od livod a ka-ay woy'd
ongayon ku sikiyu, su amoy ko ingkon a,
diyon kow en mandad.”



Siyak si Juan no suwod dow to kopomakoy, no
duma row riyon to kodharit Monama woy riyot
kodti-is to mgo kodposuppit. Su id pohos


a tid piyod diyot isla to Patmos pomon to
kodponudtuu ku to kahit




Monama, woy
pomon to
kodposivonnaa ku
moka-atag ki Disas.




Idda ron en, no-iroomman a to kotuusan to Ispiritu to
Monama, woy nopiyod a riyot datas to langit. Na rutun,
nokita ku iddos trunu woy dos mid unsad tadda.




Nopongnga idda, norinog ku no id pongkanta iddos
langun no binovallan to Monama no id pon-ubpa riyot
datas to langit, ka-ay to ampow't
ingod, diyot silob to livuta woy dos
diyot dahat.




Mid ungketen sikandan to, “Od doongon iddos mid
unsad diyot trunu woy dos Natin Karnero, woy od
posivontuhon ta sikandan taman to
waad tomanon, oyyos sikandan
en kos motuus to langun.”




Nokita ku mandad iddos uhis no bonuwa no idda en so
Lammin Jerusalem no id poonna to Monama pomon
diyot datas to langit. Inin bonuwa, nopanoy ron, iling to
ba-ay nod kosalon no noko-oumpak to umpak atag to
kosaa woy id pogondan amoy'd tommu taddot od
osawa kandin.




Na, norinog ku no duwon monokkaan bawos pomon
diyot trunu no mid ungketen to, “Ko-ungkay iddos
ubpan to Monama, diyon don to mgo minuvu rin, woy
od ubpa sikandin duma kandan. Od kilaannon din
sikandan no mgo sakup din, woy od kilaannon dan
mandad
sikandin no
Monama ran.”



Na, id pokita koddì to ponolihan iddos od aus no oweg
no od ngoranan no oweg nod pokovoggoy to umuu.
Motingngow idda iling to oungan, woy id pomon diyot
trunu to Monama woy riyot Natin Karnero.



Konnad mandad ko-ilangan dutun iddos taddow to
allow woy buwan. Oyya su iddos id pomonnan to se-aa
rutun, idda en so se-aa to kotuusan to Monama, woy
dos suu, idda en so Natin Karnero.



Piru diid poko-usok iddos ahad ondoy no konna molinis
diyot isowwan to Monama, dos molibmit kos pinuungan
woy dos mgo bouhuson. Iyon da od
poko-usok dutun, iddos mgo
minuvu no nokosulat kos
ngaran diyot libru to umuu
taddot Natin Karnero.
Na, idda en kos id
sulatan to ngaran
taddot langun nod
boggayan to umuun
waad tomanon.




“Od punason to Monama kos
mgo dayas dan, woy worad
kopotayan, kodlanu,
kodsinnogow, ahad iddos mgo
bohok, oyya su iddos langun
no riyot tapoy'n ingod,
nongowora ron.”



Dutun worad kosupittan no id silut to Monama to mgo minuvu, woy riyon en iddos trunu to Monama woy dos Natin Karnero. Woy dos langun no minuvu nod puung to id kopi-i rin, od ponsimba kandin. Od kokita ran kos bonnong to Monama, woy dos ngaran din, id surat diyon to kiloy ran.




Nokita ku mandad iddos id poomatoy no novantug woy dos waa novantug no id ponloohinat diyot isowwan taddot trunu. Na id bollat kos mgo libru, ahad iddos libru no id sulatan to mgo ngaran taddot langun nod boggayan to umuun waad tomanon. Id hukuman iddos id poomatoy ukit taddot nokosulat diyot mgo libru moka-atag taddot mgo pinuungan dan to no-uyag pa sikandan. Woy dos ahad ondoy no waa nokosulat kos ngaran diyot libru to umuun waad tomanon, id lumbag diyon to linow't apuy.




Na iddos Ispiritu to Monama, woy dos od osowan to Natin Karnero, mid ikahi to, “Undini kow.” Woy dos langun no nokorinog tadda, od ikahi mandad to, “Undini kow.” Dos ahad ondoy no notokkangan, undini kow woy inom kow ka-ay't oweg nod pokovoggoy to umuu, su


iddos od
kopiyan
ka-ay, od

poko-inom no
waa bayad.





60



60



Roma 3:23

Su nokosaa iddos langun no minuvu, woy waa ahad sokkad no nokoloppa to botasanon nid kopi-it Monama.

Roma 6:23

Oyya su iddos bayad to saa, idda en so kopotayan. Piru iddos gasa to Monama, idda en so umuun waad tomanon pomon to nosokkad kid diyot ki Disas Krays nod Longaggon ta.

Hebreo 9:27

Na moka-atag to mgo minuvu ka-ay to ampow't ingod, kosokkad da sikandan od patoy woy kopongnga, od isau ron diyot kodhukum.



Efeso 2:8,9

Na pomon to waa toppong no kopiyannoy to Monama, notobbus ki ukit to kopomakoy ta. Konna ini pomon to keton pinuungan, ko konna, gasa to Monama keta. Purisu waa en od pokopobporoong no od kotobbus sikandin ukit to moppiyon pinuungan.

Roma 10:9,10

no otik id ponudtuu row riyot duma no si Disas Krays kos od Longaggon, woy od pomakoy kow riyot ginawa row no id badnow sikandin to Monama, na od kotobbus kow en. Su otid pomakoy ki to bonnaavonnaa, od komotallong ki riyot kod-ontong to Monama. Woy pomon to id ponudtuu ta riyot duma kos kopomakoy ta, od kotobbus ki.



Juan 3:16,17

Pomon to dakkoon ginawa to Monama to langun no minuvu ka-ay to ampow't ingod, id boggoy rin kos soosokkad no Anak din, amoy iddos ahad ondoy nod pomakoy kandin, konnod silutan to kopotayan, ko konna, od pokotanggap to umuun waad tomanon. Oyyos waa id popiyod to Monama iddos Anak din ka-ay to ampow't ingod amoy od silut to mgo minuvu, ko konna, amoy'd kotobbus dan ukit kandin.

1 Juan 5:11-13

Iyon id posivonnaa to Monama, no id boggayan ki nikandin to umuun waad tomanon, woy inin umuu, diyon en to Anak din. De-en iddos nosokkad diyot Anak to Monama, diyon mandad to kandin iddos umuun waad tomanon. Piru iddos waa nosokkad diyot Anak to Monama, waa riyot kandin iddon umuu. Na sikiyu nid pomakoy woy id salig to Anak to Monama, iyon unayan no id sulat ku koniyu ini langun, su amoy od kosorollan dow no duwon en umuu row no waad tomanon.



Juan 14; 2 Dos Iko-oruwon Sulat ni Pablo Atag to
mgo Toho Corinto 5; Id Pokita 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Manobo, Obo NT (obo) © 2011, Wycliffe Bible
Translators, Inc. All rights reserved.

<https://live.bible.is/bible/OBOWBT/MAT/1>

©2026 Bible for Children, Inc.

www.M1914.org

www.bibleforchildren.org

